

**ACTA DA SESIÓN ORDINARIA DA XUNTA DE GOBERNO LOCAL DO CONCELLO DE
RIBEIRA O DÍA 24 DE AGOSTO DO 2023.**

ASISTENTES:

Presidente: PEREZ BARRAL LUIS ANTONIO Membros que asisten: BETANZOS FERNANDEZ GENOVEVA MARIA VIDAL PEON XABIER MARIÑO DE BRICIO VICENTE POUSO MANEIRO MARIA HERMINIA FURONES RAMOS JUAN LUIS ABRALDES PEREZ FERNANDO SUAREZ PUERTA COLOMER FRANCISCO	Interventor: BAO CASTRO PABLO Secretario Xeral: MARTINEZ DE LLANO OROSA JOSE Membros que non asisten:
---	---

No Salón de Sesións da Casa do Concello de Ribeira, sendo as 14:00 do día Vinte e catro de Agosto do Dous mil vinte e tres, reúnen os señores/as que se relacionan para celebrar, en primeira convocatoria, sesión Ordinaria da Xunta de Goberno Local.

Declarada aberta a sesión pola Presidencia, pásase ao exame, deliberación e votación das propostas incluídas na orde do día desta sesión, adoptándose, por delegación da Alcaldía efectuada mediante Decreto 1 de xullo de 2015, os seguintes acordos:

1.- DACIÓN DE CONTA DO DECRETO 202308/199

Dáse conta á Xunta de Goberno Local do Decreto do Alcalde, Luis Antonio Pérez Barral, de data 16/08/2023. DECRETO: "Arredamento da finca sita na Rúa Cristóbal Colón, propiedade da Comunidade Hereditaria de D. Domingo Fernández Vilas, para aparcadoiro municipal", e, por unanimidade dos presentes, **acorda** prorrogar o contrato de arrendamento ata o 30/08/2023.

2.- DACIÓN DE CONTA DO DECRETO 202308/214

Dáse conta á Xunta de Goberno Local do Decreto do Alcalde, Luis Antonio Pérez Barral, de data 17/08/2023. DECRETO: "Ocupación da vía pública por posto de roupa da tenda "Lápices de Colores""



3.- DACIÓN DE CONTA DO DECRETO 202308/241

Dáse conta á Xunta de Goberno Local do Decreto do Alcalde, Luis Antonio Pérez Barral, de data 18/08/2023. DECRETO: "Aprobación das bases reguladoras do proceso selectivo para a formación dunha bolsa de emprego para a contratación laboral temporal dun/dunha Técnico de Deportes"

4.- CERTIFICACIÓN URBANÍSTICA – Carmen María Suárez Ayaso

Visto o escrito presentado por **Carmen María Suárez Ayaso**, de data 28/07/2023 (Registro de entrada nº 17.865), no que solicita certificación urbanística en relación á titularidade de camiño situado en Cruxeiras (Ribeira).

Visto o informe técnico emitido ao respecto polo Arquitecto Técnico Municipal, Diego Hermida Varela, de data 18/08/2023, **a Xunta de Goberno Local**, por unanimidade dos presentes, **acorda** informar ao/á solicitante como segue:

01.DATOS DA PERSOA SOLICITANTE:

Nome/razón social: CARMEN MARÍA SUÁREZ AYASO

02.DATOS DO CAMIÑO

Localización: Camiño Cruxeiras, Ribeira (A Coruña)

Ref. Catastral: 15074A005090070000KX

Ben: 132-278

03.ANTECEDENTES

03.01. Con data do 28.07.2023, obtén rexistro de entrada (RE.: 17865), unha solicitude de información da titularidade dun camiño identificado coa referencia catastral 15074A005090070000KX, que indican está incluído no Inventario municipal.

Achegan coa solitude:

-Consulta descritiva e gráfica do Catastro do inmovible identificado coa referencia catastral sinalada.

04.INFORME

O Concello de Ribeira conta cun Inventario Municipal de Bens e Dereitos aprobado por acordo do Pleno con data 26 de febreiro de 2018.


Solicítase información acerca da titularidade do camiño identificado coa referencia catastral 15074A005090070000KX do que se indica está recollido no citado Inventario.

Consultado o Inventario Municipal de Bens e Dereitos pode comprobarse que o camiño correspóndese co nº 278 do epígrafe 132 correspondente aos camiños rurais e identificado como *CAMIÑO CRUXEIRAS 2* con natureza de dominio de uso público coas datos que se recollen na ficha do ben que se incorpora e este informe.

Incorpórase como anexo a este informe captura do camiño de referencia sobre a cartografía do Inventario de camiños



- Captura do camiño nº 278 sobre a cartografía do Inventario.
- Ficha do ben 132-278 do Inventario



5.- RECLAMACIÓN DE RESPONSABILIDADE PATRIMONIAL INTERPOSTA POR D. LUCAS COSTA YAGUEZ, POLOS DANOS SUFRIDOS NO VEHÍCULO MATRÍCULA 4106DLY POR MOR DAS LABORES DE ROZA DOS OPERARIOS MUNICIPAIS. EXPEDIENTE 2023 RESP000002.

Visto o expediente, seguido neste Concello a instancia de **D. LUCAS COSTA YAGUEZ**, co obxecto de determina-la posible responsabilidade patrimonial desta entidade, como consecuencia dos danos sufridos polo presunto mal funcionamento dos servizos públicos locais, e considerando os seguintes:

FEITOS

Primeiro.- O día 23 de febreiro de 2022, operarios municipais atopábanse realizando labores de limpeza e roza no lugar de Outeiro, parroquia de Artes, cando, de súpeto, unhas pedras saíron despedidas das máquinas que estaban a utilizar na súa labor, batendo contra o vehículo con placas de matrícula 4106 DLY, propiedade de Silvestre Costa Ribeiro.

Segundo.- Mediante escrito, rexistrado de entrada na data 29/09/2022 co número 202200018715, D. Lucas Costa Yaguez, con DNI número 35226659C, en calidade de titular do seguro do automóbil e prexudicado do sinistro, promove reclamación de responsabilidade patrimonial ante o Concello de Ribeira demandando o abono da reparación dos prexuízos ocasionados, consistentes en danos no faro dereito do vehículo, que cuantifica na contía total de 201,66 euros, segundo proba de taxación realizada pola entidade aseguradora do vehículo accidentado.

Consta no expediente a seguinte documentación: copia da tarxeta de inspección técnica do vehículo e da titularidade do mesmo; copia da declaración de parte de accidente; copia da proba de taxación 34476462 sinistro 22034193 realizado pola a entidade aseguradora Pelayo; e copia da modificación do seguro do automóbil.

Terceiro.- Na instrución do expediente de responsabilidade, xuntáronse a el:

- Certificado da titularidade do vehículo emitido na data 23/02/2023 pola Xefatura Provincial de Tráfico da Coruña.
- Informe emitido na data 09/03/2023 polo capataz de xardíns do Concello de Ribeira.
- Informe emitido na data 21/02/2023 pola Policía Local e Parte de Servizo nº 3080 emitido na data do accidente.

Cuarto.- Unha vez concluída a instrución do expediente, procedeuse a dar audiencia e vista ós interesados por un prazo de 10 días hábiles, sen que durante o mesmo conste a presentación de alegacións.

FUNDAMENTOS DE DEREITO

Primeiro.-

A Xunta de Goberno Local é o órgano competente para a resolución deste expediente de conformidade co Decreto de delegacións de competencias do Alcalde na Xunta de Goberno Local asinado na data 14/07/2023.

Segundo.-



Na tramitación deste expediente seguíronse as prescricións previstas na Lei 39/2015, do 1 de outubro, do Procedemento Administrativo Común das Administracións Públicas e na Lei 40/2015, do 1 de outubro, de Réxime Xurídico do Sector Público.

Terceiro.-

O artigo 106 da CE, no seu parágrafo 2 consagra o principio de responsabilidade patrimonial extracontractual das Administracións Públicas pola lesión que sufran os particulares en calquera dos seus bens e dereitos, salvo nos casos de forza maior, sempre que a lesión sexa consecuencia do funcionamento dos servizos públicos.

De conformidade co artigo 54 da Lei 7/1985, de 2 de abril, reguladora das bases do réxime local, as Entidades locais responderán directamente dos danos e prexuízos causados ós particulares non seus bens e dereitos como consecuencia do funcionamento dos servizos públicos ou da actuación das súas autoridades, funcionarios ou axentes, nos termos establecidos na lexislación xeral sobre responsabilidade administrativa.

De acordo co disposto no artigo 32 da Lei 40/2015, do 1 de outubro, do Réxime Xurídico do Sector Público, son requisitos precisos para que a acción de responsabilidade prospere e, en consecuencia, o prexudicado teña dereito a ser indemnizado: a) a efectiva realización dun dano, avaliabile economicamente e individualizado con relación a unha persoa ou grupo de persoas; b) que a lesión patrimonial sexa consecuencia do funcionamento normal ou anormal dos servizos públicos; e, c) que non exista forza maior.

Pola súa parte o artigo 34 da Lei 40/2015, contempla os aspectos fundamentais da indemnización por responsabilidade patrimonial: 1. Só serán indemnizables as lesións producidas ó particular que proveñan de danos que non teña o deber xurídico de soportar de conformidade ca Lei. Non serán indemnizables os danos que se deriven de feitos ou circunstancias que non se puideran prever ou evitar segundo o estado dos coñecementos da ciencia ou da técnica existentes no momento de produción daqueles, todo elo sen prexuízo das prestacións asistenciais ou económicas que as leis poidan establecer para estes casos. (...) 2. A indemnización calcularase con arranxo ós criterios de valoración establecidos na lexislación fiscal, de expropiación forzosa e demais normas aplicables, ponderándose, no seu caso, as valoracións predominantes no mercado. Nos casos de morte ou lesións corporais poderase tomar como referencia a valoración incluída nos baremos da normativa vixente en materia de Seguros obrigatorios e da Seguridade Social. 3. A contía da indemnización calcularase con referencia ó día no que a lesión efectivamente se produciu, sen prexuízo da súa actualización á data en que se poña fin ao procedemento de responsabilidade con arranxo ao Índice de Garantía da Competitividade, fixado polo Instituto Nacional de Estadística, e dos intereses que procedan por demora no pago da indemnización fixada, os cales esixiranse con arranxo ao establecido na Lei 47/2003, do 26 de novembro, Xeral Presupostaria, ou, no seu caso, as normas presupostarias das Comunidades Autónomas. 4. A indemnización procedente poderá substituírse por unha compensación en especie ou ser abonada mediante pagos periódicos, cando resulte mais axeitado para logra-la reparación debida e conveña ó interese público, sempre que exista acordo co interesado.

O artigo 67.1 da Lei 39/2015, do 1 de outubro, do Procedemento Administrativo Común das Administracións Públicas, dispón que o dereito a reclamar prescribe ó ano de producido o feito ou o acto que motive a indemnización ou de manifestarse o seu efecto lesivo. No caso de danos de carácter físico ou psíquico ás persoas, o prazo comezará a computarse dende a curación ou a determinación do alcance das secuelas.

Cuarto.-



En referencia agora ó presente caso, **o/a reclamante formula a súa reclamación en tempo e forma**, por non haber transcorrido aínda o prazo de un ano desde a data do accidente que motivou o prexuízo económico.

Así mesmo, **ten lexitimación activa suficiente para presentar a súa reclamación** ao ser o titular do seguro do automóbil segundo se acredita na documentación que se achega coa reclamación, e polo tanto ser titular dun interese lexítimo de carácter individual (artigo 4.1.a. da Lei 39/2015, do 01 de outubro, do Procedemento Administrativo Común das Administracións Públicas).

Por outra banda **a lexitimación pasiva corresponde ao Concello de Ribeira**, que ten competencia propia en materia de parques e xardíns públicos, de conformidade co artigo 25.2 b) da Lei 7/1985, do 2 de abril, reguladora das bases de réxime local.

Centrándonos agora na análise da reclamación propiamente dita, o que si parece claramente acreditado é a realidade dos danos sufridos no vehículo matrícula 4106 DLY. Así se deduce da proba de taxación dos danos realizada pola entidade aseguradora e que achega o reclamante.

Sen embargo, e logo de dar por sentado que non se aprecia a concorrencia dunha causa ou circunstancia de forza maior, **cómpre facer estimación da existencia de nexo de causalidade entre o funcionamento do servizo público municipal e os danos producidos, por canto o reclamante conecta os mesmos ao deficiente funcionamento do servizo municipal de xardinería.**

Da documentación achegada ao expediente na fase de instrución, resulta que:

- **A Policía Local en informe emitido na data 21/02/2023 dispón o seguinte:**
"(...) 3. En el lugar de los hechos el policía actuante pudo comprobar la rotura del piloto del Audi A6 con matrícula 4106 DLY, por lo que entrevistado con los operarios municipales, manifiestan ser ellos los responsables/causantes de los mismos, al desempeñar las labores propias de su ocupación. Por todo ello, es parecer del agente actuante que la responsabilidad de los daños recae en el personal municipal de desbroce, al causar daños en un vehículo estacionado normalmente."
- **O capataz do servizo municipal de xardinería en informe emitido na data 09/03/2023 deixa constancia de que se tivo coñecementos dos feitos polos que se reclama, manifestando a veracidade dos mesmos.**

Da análise das probas practicadas, **conclúese que resulta acreditada a relación de causalidade** entre os danos sufridos no vehículo matrícula 4106 DLY e o funcionamento do servizo municipal de xardinería. Como consecuencia debe estimarse a reclamación presentada polo reclamante.

Por todo o exposto, visto o informe xurídico con proposta de resolución emitido ao respecto pola Técnico de Administración Xeral, María Siera Ríos, de data 16/08/2023, e visto o informe emitido ao respecto polo Interventor Municipal, Pablo Bao Castro, de data 17/08/2023, **A XUNTA DE GOBERNO LOCAL**, por unanimidade dos presentes, **ACORDA:**

Estimar a reclamación de responsabilidade patrimonial interposta por D. LUCAS COSTA YAGUEZ, polos motivos e fundamentos antes expostos, na contía de 201,66 euros, que se abonará da forma seguinte: o Concello de Ribeira abonará a contía de 150 euros, que é a franquicia establecida nas condicións da póliza de seguro subscripción polo Concello coa



entidade aseguradora Mapfre Seguros de Empresas, e a aseguradora abonará a contía restante, isto é, 51,66 euros.

6.- VAO PERMANENTE – Juan Tomé Fernández

Visto o escrito presentado por **Juan Tomé Fernández**, de data 12/05/2023 (Registro de entrada nº 11.836), no que solicita unha praca de vao permanente para instalar na entrada ao garaxe do inmoible situado en Rúa Sabartán, nº 24 (Carreira).

A Xunta de Goberno Local, visto o informe de data 21/08/2023 emitido en sentido favorable pola Policía Local, por unanimidade dos presentes, **acorda**:

- a) **Conceder a Juan Tomé Fernández**, autorización para a instalación dunha praca de vao permanente (3,00 m.), na entrada ao garaxe do inmoible situado en Rúa Sabartán, nº 24 (Carreira), con reforzo de pintado de liña amarela, según o sinalado no citado informe policial.
- b) Deberá presentarse na Oficina de Atención Cidadá (OAC), sita na Casa Consistorial, co obxecto de facerlle entrega da praca de vao permanente, co correspondente número de licenza municipal, para que proceda á súa colocación en lugar visible.
- *De ser o caso, con carácter xeral e como condición de obrigado cumprimento para a concesión de vao permanente, os costes derivados do rebaixe do bordillo da beirarrúa ou a colocación/retirada dunha rampla de acceso deberán ser a costa do solicitante.*

7.- PROPOSTA SOBRE A VIABILIDADE DO CAMBIO A SENTIDO ÚNICO ASCENDENTE DA RÚA DOCTOR TORRES DE PALMEIRA

Vista a proposta presentada pola Policía Local, de data 17/08/2023, relativa á viabilidade do cambio a sentido único ascendente da rúa Doctor Torres de Palmeira, e no que sinala:

“

1. *Que hechas las mediciones oportunas se determina que la calle tiene 5,90 metros de ancho en su zona más estrecha y 6,50 metros en la parte más ancha, permitiendo una franja de estacionamientos en su lado izquierdo y el paso de vehículos.*
2. *Que la franja de estacionamientos debe colocarse en su mano izquierda en sentido ascendente.*
3. *Que se recomienda delimitar mediante señalización horizontal las zonas de estacionamientos, por el carácter residencial de esta vía y limitar su velocidad a 20km/h a tenor de lo dispuesto en el reglamento general de circulación vigente en sus artículos 50 y 159.*
4. *Que se debe colocar señalización de estacionamiento prohibido (R308) al inicio de la calle en sentido ascendente y en su margen derecho y de entrada prohibida en su intersección con la C/ Río Azor.”*

A Xunta de Goberno Local, por unanimidade dos presentes, **acorda** aprobar o cambio a sentido único ascendente da rúa Doctor Torres de Palmeira, segundo o contido da citada proposta.



8.- SOLICITUDE AUTORIZACIÓN PARA EVENTO MUSICAL EN LOCAL DE HOSTALERÍA – José Ramón Vilar Dios

VISTO o escrito presentado por **José Ramón Vilar Dios**, en representación do establecemento “La Estación”, de data 23/08/2023 (Rexistro de entrada nº 19.325), no que solicita permiso para evento musical no establecemento hostaleiro “La Estación” (Ribeira), o día 25 de agosto de 2023, en horario de 20:30 h. a 23:30 h.

A Xunta de Goberno Local, por unanimidade dos presentes, **acorda**:

PRIMEIRO.- Conceder autorización (Debendo cumprir co horario establecido nas instrucións) a **José Ramón Vilar Dios**, para evento musical no establecemento hostaleiro “La Estación” (Ribeira), o día 25 de agosto de 2023, nas condicións establecidas pola “Instrucións de actuacións musicais de pouca entidade Concello de Ribeira”, aprobada pola Xunta de Goberno Local da sesión ordinaria celebrada en data 20/10/2022, e aprobada corrección na Xunta de Goberno Local de data 16/02/2023, e na que se establece:

“(…)

5.- DATAS E HORARIOS:

5.1. Sábados, domingos e festivos: Sesión “Vermú”: entre 13.00 h e 16.00 h.

5.2. Interior de Locais:

5.2.1. Café Bar:

Mércores, xoves, venres: de 20.00 h a 23.00 h.

Sábados e víspera de festivo: de 20.00 h a 00.00 h.

5.2.2. Cafetería:

Mércores, xoves, venres: de 20.00 h a 23.00 h.

Sábados e víspera de festivo: de 20.00 h a 00.00 h.

5.2.3. Pubs e café concerto:

Mércores, xoves, venres: de 20.00 h a 02.00 h

Sábados e víspera de festivos: de 20.00 h a 02.00 h.

5.3. Exterior de locais: Para todas as licenzas:

Venres: de 20.00 h a 23.00 h

Sábados e víspera de festivos: de 20.00 h a 00.00 h.

ACLARACIÓN: Os locais que queiran realizar unha actuación en interior o poderán realizar os mércores o xoves en horario comprendido entre as 20.00 h e 23.30 h, como máximo un día á semana. Exceptúanse desta consideración os locais que dispoñan de licenza de pub, que se rexerán pola mesma.

“(…)”

SEGUNDO.- Durante a celebración dos eventos a persoa responsable, xa sexa solicitante, representante ou promotor de “La Estación” (Ribeira) (**José Ramón Vilar Dios**), deberá estar localizado en todo momento para o cal **deberá facilitárselle á policía local un número de teléfono de contacto** coa finalidade de poder localizar en todo momento á persoa responsable.

TERCEIRO.- Deberase respetar o aforo máximo permitido, data e hora de celebración, e que se cumplan as medidas de seguridade, salubridade ornato público, garantindo o cumprimento dos valores límite de inmisión de ruído aplicable con respecto ao espazo



público anexo e ás vivendas próximas, debendo respetar en todo caso:

- O artigo 7 da Ordenanza Municipal Reguladora das Terrazas e Quioscos de Hostalería do Concello de Ribeira, ao referirse á limitación de niveis de transmisión sonora, o seguinte: “O funcionamento das instalacións reguladas nesta ordenanza, tanto en solo público como privado, deberá respectar os límites de ruído en vivendas e locais próximos previstos na normativa aplicable.”
- O artigo 24 do Real Decreto 1367/2007, de 19 de outubro, polo que se desenvolve a Lei 37/2003, de 17 de novembro, do Ruído, no referente a zonificación acústica, obxectivos de calidade e emisións acústicas, ao referirse aos valores límite de inmisión de ruído aplicables a novas infraestruturas portuarias e a novas actividades, o seguinte: “1. Toda nova instalación, establecemento ou actividade portuaria, industrial, comercial, de almacenamento, deportivo-recreativa ou de ocio deberá adoptar as medidas necesarias para que non transmita ao medio ambiente exterior das correspondentes áreas acústicas niveis de ruído superiores aos establecidos como valores límite na táboa B1, del anexo III, avaliados conforme aos procedementos do anexo IV. (...)”
- O artigo 18 da Ordenanza Municipal Reguladora das Terrazas e Quioscos de Hostalería, ao referirse á prohibición de equipos audiovisuais e actuacións amplificadas en directo, o seguinte: “Poderá haber actuacións en directo nas terrazas ata as 23.30 da noite. As actuacións en directo amplificadas ou con percusión, así como a instalación de equipos audiovisuais ou a emisión de son ou vídeo nos espazos e instalacións da terraza deberán contar con la preceptiva autorización municipal.”
- O artigo 23 da Ordenanza Municipal Reguladora das Terrazas e Quioscos de Hostalería, ao referirse a prohibición de equipos audiovisuais e actuacións, o seguinte: “Quedan terminantemente prohibidas as actuacións en directo amplificadas ou con percusión, así como a instalación de equipos audiovisuais ou a emisión de son ou vídeo no interior do pechamento estable.”

CUARTO.- Notificar asimesmo a presente resolución ao Inspector Xefe accidental da Policía Local de Ribeira, Sr. José Manuel Bretal Laranga para que teña coñecemento e realice unha vixilancia e seguimento de dita orde, e garantir o cumprimento do anterior e da restante normativa vixente así como a convivencia pacífica na zona.

QUINTO.- As actividades teñen carácter operativo, o que condiciona o funcionamento das mesmas, e unha vez autorizadas orixinan unha relación continua entre o suxeito autorizado e a Administración municipal, en virtude da cal esta pode intervir en todo momento e acordar as medidas técnicas que sexan precisas para que as actividades se axusten ás esixencias de interese público, condición sempre implícita neste tipo de autorizacións.

SEXTO.- Asimesmo as actividades autorizadas:

- *So producirán efectos entre o Concello e o titular da actividade, sen alterar as relacións xurídicas privadas entre este e terceiras persoas.*
- *Enténdese outorgadas a salvo o dereito de propiedade e sen prexuízo de terceiros.*
- *Non poden ser invocadas para excluír ou diminuír a responsabilidade civil ou penal en que puideran incurrir os seus titulares.*
- *Por outro lado, os propietarios de toda clase de terreos, construcións, edificios e instalacións deberán destinalos aos usos permitidos polo planeamento urbanístico e mantelos en condicións de funcionalidade, seguridade, salubridade, ornato público e*



habitabilidade segundo o seu destino, e con arranxo ás normas de protección do medio ambiente, do patrimonio histórico e da rehabilitación.

SÉTIMO.- Se os técnicos do Departamento de Urbanismo do Concello de Ribeira encargados da inspección e vixilancia do correcto exercicio da actividade aprécianse desviacións na execución da mesma respecto ás condicións impostas polos técnicos municipais, procederase a inmediata paralización da actividade, sen prexuízo de incoar expediente de reposición da legalidade urbanística.

9.- SOLICITUDE AUTORIZACIÓN PARA EVENTO MUSICAL EN LOCAL DE HOSTALERÍA – Manuela Pérez Pouso

VISTO o escrito presentado por **Manuela Pérez Pouso**, en representación do establecemento “Pedra Pateira”, de data 17/08/2023 (Rexistro de entrada nº 18.975), no que solicita permiso para evento musical no establecemento hostaleiro “Pedra Pateira” (Ribeira), os días 2, 9 e 11 de setembro de 2023, en horario de 22:00 h. a 00:00 h.

A Xunta de Goberno Local, por unanimidade dos presentes, **acorda**:

PRIMEIRO.- Conceder autorización (Debendo cumprir co horario establecido nas instrucións) a **Manuela Pérez Pouso**, para evento musical no establecemento hostaleiro “Pedra Pateira” (Ribeira), os días 2, 9 e 11 de setembro de 2023, nas condicións establecidas pola “Instrucións de actuacións musicais de pouca entidade Concello de Ribeira”, aprobada pola Xunta de Goberno Local da sesión ordinaria celebrada en data 20/10/2022, e aprobada corrección na Xunta de Goberno Local de data 16/02/2023, e na que se establece:

“(…)”

5.- DATAS E HORARIOS:

5.1. Sábados, domingos e festivos: Sesión “Vermú”: entre 13.00 h e 16.00 h.

5.2. Interior de Locais:

5.2.1. Café Bar:

Mércores, xoves, venres: de 20.00 h a 23.00 h.

Sábados e víspera de festivo: de 20.00 h a 00.00 h.

5.2.2. Cafetería:

Mércores, xoves, venres: de 20.00 h a 23.00 h.

Sábados e víspera de festivo: de 20.00 h a 00.00 h.

5.2.3. Pubs e café concerto:

Mércores, xoves, venres: de 20.00 h a 02.00 h

Sábados e víspera de festivos: de 20.00 h a 02.00 h.

5.3. Exterior de locais: Para todas as licenzas:

Venres: de 20.00 h a 23.00 h

Sábados e víspera de festivos: de 20.00 h a 00.00 h.

ACLARACIÓN: Os locais que queiran realizar unha actuación en interior o poderán realizar os mércores o xoves en horario comprendido entre as 20.00 h e 23.30 h, como máximo un día á semana. Exceptúanse desta consideración os locais que dispoñan de licenza de pub, que se rexerán pola mesma.



(...)"

SEGUNDO.- Durante a celebración dos eventos a persoa responsable, xa sexa solicitante, representante ou promotor de "Pedra Pateira" (Ribeira) (**Manuela Pérez Pouso**), deberá estar localizado en todo momento para o cal **deberá facilitárselle á policía local un número de teléfono de contacto** coa finalidade de poder localizar en todo momento á persoa responsable.

TERCEIRO.- Deberase respetar o aforo máximo permitido, data e hora de celebración, e que se cumplan as medidas de seguridade, salubridade ornato público, garantindo o cumprimento dos valores límite de inmisión de ruído aplicable con respecto ao espazo público anexo e ás vivendas próximas, debendo respetar en todo caso:

- *O artigo 7 da Ordenanza Municipal Reguladora das Terrazas e Quioscos de Hostalería do Concello de Ribeira, ao referirse á limitación de niveis de transmisión sonora, o seguinte: "O funcionamento das instalacións reguladas nesta ordenanza, tanto en solo público como privado, deberá respetar os límites de ruído en vivendas e locais próximos previstos na normativa aplicable."*
- *O artigo 24 do Real Decreto 1367/2007, de 19 de outubro, polo que se desenvolve a Lei 37/2003, de 17 de novembro, do Ruído, no referente a zonificación acústica, obxectivos de calidade e emisións acústicas, ao referirse aos valores límite de inmisión de ruído aplicables a novas infraestruturas portuarias e a novas actividades, o seguinte: "1. Toda nova instalación, establecemento ou actividade portuaria, industrial, comercial, de almacenamento, deportivo-recreativa ou de ocio deberá adoptar as medidas necesarias para que non transmita ao medio ambiente exterior das correspondentes áreas acústicas niveis de ruído superiores aos establecidos como valores límite na táboa B1, del anexo III, avaliados conforme aos procedementos do anexo IV. (...)"*
- *O artigo 18 da Ordenanza Municipal Reguladora das Terrazas e Quioscos de Hostalería, ao referirse á prohibición de equipos audiovisuais e actuacións amplificadas en directo, o seguinte: "Poderá haber actuacións en directo nas terrazas ata as 23.30 da noite. As actuacións en directo amplificadas ou con percusión, así como a instalación de equipos audiovisuais ou a emisión de son ou vídeo nos espazos e instalacións da terraza deberán contar con la preceptiva autorización municipal."*
- *O artigo 23 da Ordenanza Municipal Reguladora das Terrazas e Quioscos de Hostalería, ao referirse a prohibición de equipos audiovisuais e actuacións, o seguinte: "Quedan terminantemente prohibidas as actuacións en directo amplificadas ou con percusión, así como a instalación de equipos audiovisuais ou a emisión de son ou vídeo no interior do pechamento estable."*

CUARTO.- Notificar asimesmo a presente resolución ao Inspector Xefe accidental da Policía Local de Ribeira, Sr. José Manuel Bretal Laranga para que teña coñecemento e realice unha vixilancia e seguimento de dita orde, e garantir o cumprimento do anterior e da restante normativa vixente así como a convivencia pacífica na zona.

QUINTO.- As actividades teñen carácter operativo, o que condiciona o funcionamento das mesmas, e unha vez autorizadas orixinan unha relación continua entre o suxeito autorizado e a Administración municipal, en virtude da cal esta pode intervenir en todo momento e acordar as medidas técnicas que sexan precisas para que as actividades se axusten ás esixencias de interese público, condición sempre implícita neste tipo de autorizacións.



SEXTO.- Asimesmo as actividades autorizadas:

- *So producirán efectos entre o Concello e o titular da actividade, sen alterar as relacións xurídicas privadas entre este e terceiras persoas.*
- *Enténdese outorgadas a salvo o dereito de propiedade e sen prexuízo de terceiros.*
- *Non poden ser invocadas para excluír ou diminuír a responsabilidade civil ou penal en que puideran incorrer os seus titulares.*
- *Por outro lado, os propietarios de toda clase de terreos, construcións, edificios e instalacións deberán destinalos aos usos permitidos polo planeamento urbanístico e mantelos en condicións de funcionalidade, seguridade, salubridade, ornato público e habitabilidade segundo o seu destino, e con arranxo ás normas de protección do medio ambiente, do patrimonio histórico e da rehabilitación.*

SÉTIMO.- Se os técnicos do Departamento de Urbanismo do Concello de Ribeira encargados da inspección e vixilancia do correcto exercicio da actividade aprécianse desviacións na execución da mesma respecto ás condicións impostas polos técnicos municipais, procederase a inmediata paralización da actividade, sen prexuízo de incoar expediente de reposición da legalidade urbanística.

10.- AUTORIZACIÓN PARA A CELEBRACIÓN DO III RALLYE RÍA DE AROUSA – Escudería Ribeira Ría de Arousa

Visto o escrito presentado por María Jesús Iglesias Fernández, en representación da **Escudería Ribeira Ría de Arousa**, de data 14/08/2023 (Rexistro de entrada nº 18.805), no que solicita as autorizacións e viabilidades pertinentes e colaboración municipal (uso de estradas, aparcadoiros, locais municipais...) co motivo da celebración do III Rallye Ría de Arousa.

A Xunta de Goberno Local, por unanimidade dos presentes, **acorda**:

- Autorizar a celebración do III Rallye Ría de Arousa.
- Prestar a colaboración municipal en todo aquilo que sexa posible, do cal serán informados coa suficiente antelación á celebración da proba.
- Autorizar o uso dos aparcadoiros solicitados sempre que sexa posible, debendo poñerse en contacto coa Policía Local para a coordinación do citado evento.
- Informar que que o novo Auditorio Municipal todavía non está rematado, polo que será imposible a súa cesión de uso.
- Comunicar que en ningún caso dita dita proba deberá coincidir coa celebración do mercado municipal de Ribeira.
- Deberá comunicar as datas exactas da súa celebración.
- Dar traslado deste acordo á Policía Local para o seu coñecemento.

A Presidencia levanta a sesión sendo as 14:30 do mesmo día, estendéndose a presente acta da que, como secretario xeral, dou fe e certifico na data que consta na sinatura dixital que figura ao pé deste documento.

